

長汀縣誌

第四册

孝友傳	忠義傳	藝能傳	流寓傳	烈女傳	循吏傳	雜錄
						重刊后記

长汀县志卷二十七

孝友传

谢希程纂

明

吴毓嘉。性至孝。继母钟。目盲。以舌舐之。父因食榴卒。见榴辄感泣不忍食。母赖柩被盗匿去。毓嘉跣足吁天。披荆历险。觅获安厝。邑令梁举。御史杨九泽以孝闻。奉诏建坊旌其门。嘉靖己亥以贡司训东安。迁湖口教谕。岁饥。所得俸金。悉分寒士。囊橐肖然。徒步而归。

罗尚宾。字晋卿。万历己卯以贡中应天式。父病。尝糞甘苦。及歿。偕弟庐墓山中。虎噬犬与仆。俱不顾。晨夕跪拜墓下。至僵仆。手足尽裂。学使姜宝闻其行。欲一见不可得。后为母养。拜武陵令。值岁饥。罢一切供费。躬行赈贷。僻壤穷乡。足迹殆遍。按察陈某养子杀人。时蔡国珍分部湖北。为请不许。竟论如法。治行为三楚冠。擢工部主事。以内艰归。庐墓三年。服阕。补虞衡司。督东西两门。诏赐金。及差验试厅。精钩较严。却羨金。督造清江。兼司榷政。悉除法外需索。商人称便。无疾卒於官。弟尚贤。亦屡旌孝子。时称为德门。

胡汝桥。号瑞虹。诸生。性至孝。母病。三月衣不解带。晨昏露祷。愿以身代。母没。哀毁骨立。庐墓金斗山。父年逾七十。得瘧疾四阅月。父进一粥。己亦进一粥。父没。哀毁如母丧。竟以是获疾。终祀乡贤。弟汝楷。亦孝子。有传。

邱文岐。早孤。家贫。事母张甚谨。母病。躬进汤药。衣不解带。疾剧。尝糞割股。祈祷备至。及卒。哀毁几绝。不离柩所。葬后庐墓三年。朝夕哭奠。按院吉公。给匾旌之。妻赖氏。以节称。时谓一门节孝。

李至。万历三年岁贡。举孝子。

康奎。南安同知诰孙。举人时子。万历间任本卫百户。性纯孝。痛父卒。投水以殉。远近哀之。

黎有纶。字懋经。性孝友。甯化李世熊志其墓曰。黎君懋经。生十二岁而孤。户寒母弱。族豪耽侧。盖尝自污为某佣。远市郭外。朝出暮归。避豪射如域。严冬单襦。被雪堕指。孀孤相向。泪承睫不忍落也。

未几。走长安。输货为卫榷。省察。补惠来甲子仓大使。引礼却嫌。迂阔如儒者。狱有疑。辄侃侃与令争。为囚出死罪。前后令心钦懋经长者。终不知懋经何等也。无何有海寇掠饷。县令急不知所出。以语懋经。即率壮丁三百往捕之。谍知贼欲登舟。急遣五十辈。衷甲裹草。负背上疾走扬尘。伪若避寇者。贼望见喜。尽舍舟逐之。所伏卒。从民舍中噪而出。五十人亦反甲搏战。贼首尾溃失。斩获无算。不言功。仅以常例授丹阳巡司。己至镇。元夜忽梦有呼者曰。而忘亲乎。惊痛至呕血。急乞假归。果有除夜侵其父墓者。始经懋七岁时。乳母彭歿。哀悲过礼。岁时忌日。辄阴市彩楮。手裁冥衣。书姓名衣侧。风雨走墓上。焚楮哀号。墓邻老姬至。流涕曰。谁家儿笃孝如此。虑其失道也。辄使人尾之。懋经既家居。曲谨驯朴。不轻与里舍会。其弟有纲。负奇任侠。毁家募兵。为破贼计。懋经亦不以为非也。有纲生子。数月而孤。懋经育教之。分其产如己子。呜呼。贤者不当如是耶。子三人。长士宏。次士毅。次士楷。皆以文章名世。

黎有纲。字振三。其侄士宏为之传曰。先生生而奇伟。通眉虬髯。肌肤如玉雪。七岁就外傅。性跼蹐。不受绳束。先王母每相对哭泣。使人诵寡妇之子。勿与为友以讽之。先生感恻悲切。意不欲生。以指爪划胸。血淋漓滴襟袖。先王母抱之大哭。遂折节读书。期显亲扬名。使人谓孤儿终能成立也。年十六补博士弟子。十九饬於二十人中。丁卯闹卷得而复失。戊辰己巳间。中外多故。流贼群起。数破县邑。时承平久。人不知兵。将弁皆纨绔子。御敌辄走死。郡县长吏。往往阴赂贼金帛。求免逼境上。先生感愤。上书当事。指陈得失。斥家产得五百金。募死士三百人。欲一出奇当贼。通国颇笑所为。先生曰。是人婢若也。安知大计。择日戒师。时观者如堵。先生刑牲酹酒。感慨读誓章。声色俱厉。三百人不敢仰视。观者数千人咸恐慑。面相覷。无敢哗者。人始知先生能军。郡邑藉以无恐。虔抚洪公瞻祖援剿至汀。待先生上宾。欲疏题先生幕下。先生亦欲以奇节立功名。如傅介子陈汤博封侯。爵赏风从万里外。耻从咕哔见生平。先王母意弗善也。乃罢。所为制举之言。高华奇丽。甫脱稿。传写偏国中。后进小生。规模刻划。多因之以就声名。学使何万化两试汀。皆置先生第一。评其文曰。艳如花。热如火。变幻如风云。人以为定论云。继文望日高。名誉出公卿上。当奉自制府监司以下。咸愿折节为先生欢。车

骑所至。倾其里巷。每当秋试。主司皆思得一物色汀南两生。两生者。一先生。一业师李公世熊也。然皆卒不得。先生既负隼才。谓取功名旦夕。又年少不自知爱重。日则应酬座客。答四方笺疏无停。晷夜读书。常鸡三号犹不就席。先王母令仆婢掩灯烛灭之。曰。如此日夜疲精力。顾安得长年。不谓言之不戒。遂竟以劳终也。先生于经史百家言无不习。诗词传注之学无不精。文章意气任侠奇伟之士无不友。意之所欲自见者无穷。而卒不获一酬其志。岂不哀哉。所著有篁啸斋诗。北楼文稿。定郡檄略行世。郡守筮继良树碣表之曰。闽西黎孝子之墓。注：野跑——放野顽皮之意。

郑廷惠。性孝友。以捐产奉公。赐冠带。嘉靖季年寇乱。两弟被执。持多金诣全赎之。更为弟偿贷赎产。人皆服其义。

吴国宾。光禄寺丞。父歿。庐斋三年。服阕赴京。载父像以行。晨昏祭之。因母老乞归。年六十。侍养不哀。母没。宾亦病笃。舁病扶柩。复不改。

张希显。号石永。恂恂醇雅。有长者风。择傅训弟希颖。凡所需罔不给。弟因积学名世。显子履祥。受学於颖。颖悉力课督。嘉隆间。颖以明经官司铎。履祥领乡荐第一。曾孙铤成进士。人称孝友世泽。

官友基。事母至孝。母歿。哀毁庐墓。有司欲以闻。恳辞而止。旧志载甯化。今通志载长汀。存之。

杨旦。汀卫人。督学邵锐旌孝。

康铎。因母暴死。痛哭呕血。父病三年。负之出入。朱守戎。王徐二别驾慕贤馆之。修脯统於伯兄。不入私橐。履经旌奖。

李垠。性孝。事母郭氏。备极色养。（注）母卒。庐墓三年。麻衣草履不去体。虎狼蛇蝎与之俱。泣血哀

鸣如一日也。郡守李自芳举孝子。赠孝行匾额。注：色养——奉养母和言悦色。

王基。字国本。耆宾。事母克孝。母怒则跪泣受杖。有姊眇弗愿嫁。基终身敬事之。性严肃方正。里中有彦方之目。当事亦交相引重。故土田坟墓之相构者。委质成焉。论既定。人亦感而无怨。子锡祚。能世其德。举宾筵。（注）元孙紫绅成进士。人以为余庆。举宾筵——地方官推荐德才之士铭朝廷。

胡临亨。邑廩生。孝事继母。推爱弟昆。崇祯十五年。举孝义。著有白侍参集。

清

周 景字汝时。慈祥肫笃。事亲以志。养父尝郊行。景必与俱。一日渡桥忽堕水。景和衣跃水中。挟片木负父出。邻有贫而鬻子者。景捐资贖之。且为谋生。以活其家。明经陈锡震为之作传。事闻。旌孝子。屡与宾筵。名载孝义坊。

周士恺。字克俊。景子。孝友能世其德。父歿几三十年。与人言未尝不涕泣。丙辰。清师至郡。人远窜。恺以母病。率妻子环侍不少离。事平。逃者狼藉。恺家秋毫无犯。人称孝感。李巡按旌之。与父名俱载孝义坊。两与宾筵。

李人凤。字亦凡。号易斋。性至孝。尝为祖母舐痂。居父丧不食七日。弟人彪。亦刲股疗亲疾。时称一门两孝子。游庠试辄前列。嗜古好学。精书法篆籀。

胡士铨。太学生。丙戌初。铨方弱冠。与父避乱深谷中。食且尽。家人惶。不敢出。铨曰。死於饥。盍死於刃。潜逾岭负米以入。父母获苏。同怀弟有六。分田授产。辞丰居约。父寝疾。日夕哀禱。更焚券施金。为父祈年。郡守鄢延於乡约所。与杨益芬同旌孝友。

杨益芬。挥金钦明季子。幼失怙。家赤贫。负贩供母。得享大年。伯兄远滞粤地。竭资迎归。友爱愈笃。里党高之。闻於郡。康熙己巳以孝旌。鄢郡守延於乡约所。

黄 钊。康熙四年举孝行。邑令金奖之。名载孝义坊。

夏大体。孝弟廉介。康熙六年举孝友。载孝义坊。卒年九十六岁。

康廷祯。庠生。父早卒。事母孝。康熙十八年举孝子。名载孝义坊。

萧士魁。康熙丙辰寇变。奉母挈儿避难。至中途。母肿趼。(即趼、厚茧)不能进。士魁弃儿。负母疾奔。后儿为族人所获。卒完聚焉。

郑维昆。恂恂有长者风。笃孝友。父母染疯疾。维昆日夕祈祷。历十余年如一日。康熙丙戌洪水。父丧甫七日。柩为浪所泊。维昆号泣呼天。柩逆流还入舍。人称孝感所致。雍正五年祀忠孝祠。其子庠生雯。继父志。家虽贫。能助丧葬。与人为善。而不好名。乡邻钦之。

马定一。诸生。初不得继母心。悲泣自责。孝敬愈至。母为感动。爱如己出。抚异母弟三人。无间言。家有杉林。张氏持二千金相购。以二百金私之。定一厉色曰。若且陷吾不义以卖弟也。竣却之。弟亦感泣。

张振名。本儒家子。父歿。赤贫无以资生。负薪供母。晨起躬治爨事。乃至母床第候安。侍梳栉盥洗毕。始进饮食。冬温夏清。请浣请纫。不欲以劳遗母。四邻以孝闻。郡守王廷抡。延於乡约所簪花把酒。鼓乐迎导归。匾曰。孝可风世。

马权文。未周而孤。母江氏。茶苦鞠育。比长。遭耿逆变。负母逃避。备极艰险。孝养至老不衰。母死。哀毁骨立。寝处庐墓。里中以孝闻。公举宾筵。

黎文远。字质扶。参政士宏长子。康熙辛酉。以拔贡中顺天亚魁。性孝友。怡怡一堂。辛未赋孙山。选己届期。叹谓同人曰。老父谕我渴选。顾二亲年老。一檄於远乡。安能侍色笑耶。丙子。其弟致远举於乡。携弟入京。下第后。致远强其诣选。得山左新泰令。甫赴任。而太参讦至。鬱鬱成疾。壬午服闋。补选江西鄱阳。莅任仅三日而卒。

陈渭英。字逊尚。幼失怙。事母廖孝。弱冠游庠。未三十失偶。不更娶。躬甘旨以娱世。郡绅士金举孝子。

罗承绾。监生。幼家贫。苦力奉亲。备极色养。每奔数百里外。获时鲜。跪而进之。亲歿。水浆不入口者三日。哀毁如古礼。骨肉极友爱。三世不分产。里称孝友。性好义。於族戚无依者。赙恤不少倦。凡掩骼埋胔(腐尸)修葺桥路之类。弗胜纪。

许世黉。值海寇攻城。邑人奔窜。黉侍祖母病不忍去。寇义而释之。丙戌水荒。捐谷豆以赈饥。举宾筵。胡士铨。金举孝友。旌以敦伦立范。

刘拱玉。竭诚色养。能体亲志。割腴田以予兄。抚侄如子。人咸称之。

俞玺。字文眷。监生。考授州司马。性笃孝友。父病。身祷以代。衣不解带。历年无倦色。及析产。膏腴让兄弟。自取其薄且瘠者。备梓材。构祖祠。施棺掩骼。赈饥修桥。人饯其德。

周朝聘。字公尹。太学生。事继母四。俱得其欢心。兄死。抚遗腹侄如己子。侄夭。又抚其四孤。俾克成立。里闾以孝友称。他如建茶亭。掩露骸（腐尸）。修桥。减柴。制府及诸当事。悉嘉奖。表其闾以前后。倡修文庙。详请入祀功祠。

魏相裔。字吉友。增生。敦内行。父病淋。裔日夕号泣。得法外调治。人比之黔娄。伯兄无嗣。以己男为之后。又乐善好施。修理文庙及诸桥道。必捐资首倡。里党称焉。

戴家基。监生。乾隆间旌孝子。建坊。

萧萱。字秀徵。事母孝。及歿。庐墓三年。好施予。凡修城垣文庙桥道诸善事。力行不倦。有司貽綽楔旌之。

郑元感。家贫。竭力奉养。母病甚。割臂和药以进。遂愈。后虽盛暑。不敢袒裼。恐露其迹以伤母心。其笃孝如此。

赖双春。亲歿。庐墓以孝闻。

曾士全。青泰里康熙初人。性至孝。母病盲。晨夕舐之。闻府城隍甚灵。诣祷之。值迎神。沿途三百步一拜。母眼老而渐明。今汀俗迎城隍多有此。盖始自士全云。母歿。泣血伏柩下。哀毁骨立。父歿。如母丧。庐墓三年。卒年七十有六。

陈庆云。归阳里福口人。邑孝廉。董如玉为之传曰。云山陈公。讳庆云。字上芹。玉之母舅也。父发魁。与族侄友棠。同列武庠。公生数岁而孤。母氏张抚养成立。幼学於堂兄友棠。倚其力综理家政。稍长。明礼让。崇仁义。而尤笃於孝友。十餘岁母氏见背。丧葬尽礼。念庶母贵氏无出。十九而寡。事之如生母。务得其欢心。寿至七十余而终。哭踊尽哀。欲为服斩衰。堂兄谕以礼有等。杀（注）不容过。乃止。堂兄家故贫。公与之田。贍其子孙。兄居其家。服劳奉养。历数十年如一日。卒无间言。逮病危始送还。既没。經紀其丧葬祭之费。未尝少吝。公早岁当家。不能读书。应试。援例入监。独於圣贤格言。皆身体力行。事事动遵礼法。自奉俭约。而待人必丰。持己端庄。而责人甚恕。生平善举。如学官祖祠皆题大捐。凡桥梁道路。有踵门求助者。无不如愿以去。乡无药铺。岁施药丸数种。以应时疾之急者。秋

田一区。必多殖秧苗。有不足者。听其取携。族人知其好义。租税每多逋欠。从不兴讼追取。内弟胡某。欲往外贸易。代借白金三百。卒不返。致赔累千餘金。以故家渐窘。绝口无怨。家有佣耕十余人。尝於夏月耘田。辍耒陇畔。酣卧树下。公迹至田。收其田器以归。彼第不知也。迨醒失器。踉跄奔回。谓必遭谴呵。及见公。公笑曰。令汝等耘田。奈何并田器失之。下次须留心勿再失。佣人悉愧谢。其度量之宽宏。即此可见。先是祖籍上杭来苏里。因建城内祖祠。得悉里居。公独力捐助尝业。让善不居题名。迁居长邑始祖。每逢清明节后。必躬至杭邑祖坟祭扫。往还数百里。资斧祭需。及馈送族人仪物。岁费数十金。后家中落。力不给。必贷金以行。或尼之曰。远祖虽宜祭。第公已年迈。且力窘。胡不商之同族。岁遣一人任其事。公毅然曰。论语云。祭如在。祭神如神在。子曰。吾不与祭。如不祭。吾生一年。则祭一次。断不可委诸他人。卒以是获疾。遂终。曾子所谓。仁以为己任。死而后已者。公非其人欤。周礼大司徒。以乡三物教万民。而宾兴之。二曰六行。孝友睦姻任恤。公於此六事。皆出於天性。始终不变。玉所亲见。非溢美也。若而人者。不诚足以风世哉。注。杀——同喪喪礼。

黄义者。雍正时人。善绘事。曾画只履西归图。及伏虎图。悬法源寺。后为爱者窃去。因於寺壁作图。见者无不叹其工妙。性孝友。少时邻家回禄。延及所居。义者负父母逾峻垣出。得不死。而足被墙压。遂成废疾。有弟分爨。久病不能治生业。坐困甚。母隐忧之。义者遂畀已所分产。自以书画糊口。子好礼。乾隆间诸生。七试不售。家贫囊笔游幕。工书好吟。著慎思堂诗草。未梓。选入全闽诗话。今录其丘一逸别业落成招邀燕集赋赠诗云。别业新通薜荔墙。桃花深处辟虚堂。弹棋自煮三冬雪。盟菊人归一夜霜。扫径不妨云共席。支窗闲放月登床。君家旧馆存茗雪。又扩双溪别一房。

巫相。恩贡生。自幼至老。事亲恪尽子职。母氏黄。病后。目瞽耳聋。声色不通。独能曲体其情。旁通其意。日夜奉侍。即至洗面。沐发。裹足。剪甲。必身为服事。自母瞽聋后。不愿赴闹。惟依依膝下。历十余年如一日。咸丰五年母终。葬后日往墓所。至咸丰十年身卒。而后已已请旌表。

郑尧成。举人。孝友出於天性。幼失怙恃。事伯兄观成如父。平生馆金。丝毫无私。教侄训徒。孳孳不倦。侄汝嘉。汝贤。相继登科。生徒亦多成立。邑令丁琴峰独契重之。

廖景元。庠生。联芳之父。事孀母至孝。母病。割股以愈亲。

邱烜。缘事代父投狱。以军罪死於外。人称孝子。邱氏谱有传。

吴士元。年六十六。居父丧。庐墓期年。病笃始归。府县旌匾孝行可风。以上旧志

许开旭。昉字谷。咸丰八年负母逃难芦苇中。贼用火攻。即负母出而。开旭死。邑中翰（注）康咏。有负母

逃难歌。名城摧破杀风起。悍贼屠人如犬豕。万家震駭纷窜逃。丈夫弃妇母抱子。何人家室获安全。许氏孤儿頼有洩。九旬老人犹在堂。身纵能逃母难持。连乡蹂躏无甯居。窃负奔逃且栖止。狼烟突起比屋焚。嗷嗷咄咄惊闾里。此身誓与慈母俱。母生儿生死儿死。冲锋蹈火两不辞。甘投凶焰摩贼垒。但祈老母保余年。不祥炮烙况鞭捶。血诚竟邀巨贼怜。母子归来举家喜。纷纷世俗（中翰——官

恋妻孥。舍身护母安有此。吾乡邑乘半荒芜。采风未实徒虚拟。嗟予才薄更无文。聊作此歌信史。原列忠节。今移此。名即内阁中书）

陈力烈。字就三。邑名诸生。水头乡人。事亲孝。家贫。寓读於商。谋养並推爱季弟钟祁。俾从名师受

课。亦入邑庠。以下均据采访册

鍾庆隆。黄馆乡人。自感幼年失怙。终身素食。竭力奉母。母歿。庐墓三年。屡经毒蛇猛虎。不改常度。

陈宜康。邑庠生。平原茶树下人。父患颈疾。服事汤药不辍。歿后。遗棉衣一领。视同锦裘。谓父脓血所

沾。见裘如见父也。继母鍾氏。足病风湿。不良於行。亲奉饮食维谨。二弟宜彦、宜绳均早逝。抚爱遗

侄如所生。

陈欢奎。业泥匠。平原茶树下人。弟照奎。生而多病。饮食供给皆欢任之。至老无异言。照亦敬兄如父。

备尽弟道。白首同居。人谓有元季家风。

张殿元。城厢人。弱冠失怙。挑菜为生。母卜氏。足小。家中劳作。殿元必亲任之。尝值岁荒。忍饥以供

母饱。不使母知也。终身备孺子慕。堂弟殿华幼失怙恃。挈与同居。爱逾同胞。后並以军功。拔补武

职。

赖开基。字勋臣。邑诸生。父充邑署吏员。家贫。开基无力就学。得父指示。粗识之无。既习刊刻术。得

文稿恍有悟。父歿。境愈窘。父执荐任书吏。因善书。並通文学。应试以字冠场游庠。性至孝。母张氏。足小。操作维艰。开基辄代母劳。母雅不欲。则泣曰。母年老。万一有失。是愈重不孝罪也。由此

炊爨、浣濯。甚而洗滌溺器。皆躬任之。游庠后。乃娶李氏。有刑于之化。

郑明扬。船坑人。家贫。痛父早逝。以菽水承母氏欢。终身不懈。迨母年迈。浣衣洗脸。必周必到。母年至一百零二岁卒。明扬年届八十。犹为孺子泣云。

俞崇城。河田人。父早逝。母至孝。母年八十。余。卧床三载。汤药饮食。亲自进奉。每朝倾涤粪桶。自行执役。

俞滋。字德邻。诸生。河田人。孝行素著。母病。祷天自代。

吴麟嘉。字昌嗣。性至孝。九岁生母见背。哀痛如成人。继事三母。皆孝养如所生。抚爱继母所出诸弟。备极辛劳。人羨其有闵氏遗风。知长汀县事丁公淮。旌以孝友仪型匾额。知汀州府事陈公凤舞。及汀州府教谕许公殿辅。皆有诗表扬。

吴汉均。字翊京。邑庠生。吴家坊人。父早卒。事母以孝闻。母性严。辄能先意承志。得其欢心。友爱兄弟。每饭共席。谈笑怡怡。邑中翰内阁中书康步崖尝表其墓。

吴抡元。字魁廷。邑庠生。吴家坊人。性孝友。弱龄时。兄弟同奉父命操作。己愿任其难者。谓诸弟稚。恐不能胜也。父笑领之。年始冠。父遭横祸。哀号泣血。诉冤公庭。矢以复仇为念。卒得伸雪。生母早卒。事庶如嫡。色养多年。兄弟七人。白首同居。食指盈六百。妇孺无间言。同族灼其贡士。有职全孝友赠额。

郑汝丰。字道隆。城厢人。商业起家。以义让著名。前清旌表孝友。建孝义坊於汀城小湖塘边。

李观澜。邑庠生。在城里人。父如玠以孝廉任教职。观澜侍父学廨。年二十余始归娶婚。逾月即出。旋丁父艰。哀毁骨立。由同安扶柩返葬。丧三年不入私室。遭家多难。伯仲早世。居室复毁於火。称贷营居。抚伯遗孤三人成立。世其文学。痛中失祧。继以次男树荣。身历诸艰。年三十餘卒。民国初年。有司采访孝友。并其妻马氏贞节事实上闻。锡以人伦坊表。额旌其东门里第。

上官友文。起文同胞兄弟。俱邑庠生。兄弟相敬如宾。每论经史达旦。怡怡如也。家贫。起文年居不惑。未授室。友文为备资择妇。友文年老患痰喘。起文侍奉汤药。雪夜勿懈。私祷天地。愿以身代。里中

闾墙(注)者见文兄弟。多涣然冰释。闾墙——兄弟不和。

长汀县志卷二十八

忠义传

丘复纂

忠义胡为而传也。曰。纪以死勤事诸人也。夫一邑之大。无敢死之人。为之保障干城。则邑谁与守。故无论御敌而死。杀贼而死。殉难而死。事虽有成败利钝之不同。其以死勤事一也。官斯土者。必不畏死。而后无负地方之寄。生斯土者。必不惜死。而后无忝山川所钟。太史公曰。死有重于泰山。非是其谁属欤。用纪官民之死邑事者著於篇。其为国捐躯。若郑立中。罗良辈则系之列传。惟周之蕃大节炳然。非专死邑事。然附诸循吏则不伦。旧志列之流寓则失考。以其就义在邑。无可附丽。故仍入焉。

宋

陈希造。仙游人。汀州判。陈吉老长子。绍兴间赣寇犯境。吉老自将破之。希造与贼遇於武平之叉竿口。深入无援死焉。事闻朝廷。官其遗腹子光祖。旧志附循吏。陈吉老传。

明

丁泉。汶上人。官汀州卫指挥同知。天顺六年上杭寇发。泉往援。明年巡按伍骥奉命督剿。泉奋勇先登。攻破石马岐等寨。猝与贼遇。力战死之。骥扶疾回朝亦卒。杭人肖二像於城楼。岁时致祭。事闻。赐额褒忠。祀郡名宦。旧志循吏传。参上杭县志编。按旧志云。洋明史伍骥传。明史云。骥卒于军。故旧志从之。兹据杭志订正说详事记。又泉死事在上杭与上传陈希造死于武平。皆非邑境。旧志以邑为府治所在。诸人服官汀郡。故采入各传。兹仍之。

秦壁。本卫百户淮子。成化间袭任。征武平寇战歿。赠千户。

旧志忠节

马荣。嘉靖中御寇殉难。里人祠之。子如龙。仗节尽孝。

同上

邓五。象洞阵亡。祀忠愍祠。

同上

陈应龙。本卫镇抚珊子。万历间袭任。崇祯元年三月。月份从上杭志补下曰。督操武平所。寇犯邑。应龙领兵赴援。阵

月份从上杭志补下曰

督操武平所。寇犯邑。应龙领兵赴援。阵

亡古楼冈。祀愍忠祠。上

丁显閩。本卫百户忠子。万历间袭任。崇祯元年三月阵亡古楼冈。祀愍忠祠。上同

段元望。本卫百户观铠子。万历间袭任。崇祯元年三月。督武平营兵。剿贼阵亡古楼冈。祀愍忠祠。上同

时同死者。有哨官徐治陶元志。府志兵戎。按府志丁显閩段元望。

徐必登。崇祯元年以福州千户署武平守备。会寇发。旧志必登莅任甫二日。闻县有急。与陈应龙等统所军

兵往援。所军不前。必登麾亲军及家僮策马至麻姑墩。考异旧志职遇贼。亲军窜走。必登遇害。家僮抱

尸而哭。贼磔之。府志兵戎同时阵亡者。陈应龙。丁显閩。俱蒙优恤。祀褒忠。旧志

刘震。钦依把总英子。天启辛酉武举。署巡道中军。崇祯元年三月剿岩前寇阵亡。祀愍忠祠。旧志震与

百户李中秀。奉巡抚朱钦相调。领兵三百。会武平守备郭应元两路会剿。至岩前。贼伪武平军官。称应

元统兵相候。信之遂前进。贼分左右翼围之。官军惊窜。与中秀俱为贼磔死。参上杭县志

李铎。本卫挥金廷楷子。万历间袭任。升钦依守备。崇祯元年十月剿寇象洞。血战遇害。祀愍忠祠。旧志

时同死者。哨官周以弼。洪万。徐日者马玉山。参上杭县志

刘尧号赓堂。本卫正千户杰子。万历间袭任。崇祯四年二月寇犯汀。指挥严明。领卫军三百堵截。尧为

左翼。军至濯田。旧志武功作黄蜂隘。贼众猝至。未及阵。师溃被执。贼哀其壮欲释之。尧骂不绝口。贼怒以两筋

凿其鼻至死。三院题旌。祀愍忠祠。黎士弘题其遗像曰。毋瓦全。宁碎壁。有断头。无屈膝。再来身。

暇秀实。作者谁。呼可出。双瞳秋水飘春烟。我记儿时马上识。旧志参忠节托素斋集。

刘师垣。汀州中所正千户尧之弟。尧被执。师垣轻身赴难。子以荫得袭千户。黎士弘题其遗像曰。战声

寒。鼓不起。兄啖睛。弟扶髻。如桃李。争代死。逢地下。当笑语。父韦布。子锦衣。抽弓矢。步念

之。夫差。夫差。汝忘越人之贼而父乎。旧志 忠节

张机。本卫百户源子。万历间袭任。崇祯四年御寇濯田阵亡。祀愍忠祠。旧志 忠节

张大伦。本卫指挥金牺子。万历间袭任。升授浯屿水寨钦总。崇祯元年。连子山寇发。统军进剿。获游肆夺械功。又用火攻。捣贼巢穴。奏凯。授守备。四年偕副总王应官。进征高吴。突杀贼数人。以兵寡殁於阵。祀愍忠祠。旧志 忠节

王应官。本卫指挥夔子。天启间袭任。崇祯四年。偕张大伦高吴阵亡。祀愍忠祠。旧志 忠节

国佐。赖思养。赖君选。曹纬。据旧志 武功补

张耀。本卫百户梓子。应袭授把总。崇祯四年。高吴阵亡。祀愍忠祠。旧志 忠节

李国祯。威远营守备。崇祯十七年四月。贼首张惠选等掠上墩诸处。官军与战於宝坑。国祯死之。据上杭志 寇变补

林深。郑雄。俱福州人。官把总。崇祯末。兴泉贼大炽。抚军张肯堂提师捕之。贼复旁扰汀郡。而粤寇閩

三总出没虔境。渐逼汀。张抚遣兵五百赴援。以深雄督之。未至二日。贼已陷古城。十月十八日。深

雄至汀。不暇传餐。径趋古城。至观音铺。堕贼伏中。军殊死战。贼纵火。全军燬焉。死者三百一十三人。贼亦杀二百余人。邑人哀其忠烈。收瘞罗汉岭。春秋祀之。旧志流寓参世李熊古 城阵亡士卒碑碑文

闵时。字圣之。邑庠生。袭任本卫百户。隆武二年八月二十七日。帝自延平奔汀。驻二日。据旧志 武功 忠节时守丽春

门壬寅昧爽。清追兵以八十三骑拥入。士皆无备。时独挺身当马首而立。骑矢发洞胸死之。旧志 忠节

周之蕃。字长屏。南直隶睢宁县人。崇祯末官汀州总兵。隆武二年七月。帝将由延平移两粤。命兵部职方

司主事上杭李鲁回汀办屯练。八月二日至汀。值谍报张恩逃围杭。鲁密白之蕃曰。大驾旦晚至。倘上杭不守。则风声遥沸。窃恐变生意外。鲁今先解杭围。公其整师旅。即同扈驾而东耳。之蕃诺之。据姆余集 职方家状

汀州总兵。先是流氛孔炽。南边蠢动。崇祯十六年九月。尤溪贼吴绍兄弟等聚众陷闽清县治。福建提学道郭公之奇。以副宪擢臬司兵督兵。一日行三百里至闽清。公与盛国政方为备总。偕署县吴瑞升遍察地方情形。分兵搜剿。斩贼首。贼夥。伪军师等一百二十八人。地方以

平。奸谋潜弭。（郭忠节集）绍宗正位闽中。公大喜。言之大司马郭淮经。隆武二年春。公自吉安归。过瑞金。值田民聚众围城。公至环请求抚。愿合八乡田民可得八万。自备粮粮随行援虔。公大喜。田民受抚。（瑞金县志）公返汀。绍宗将由延平趋汀。命兵部职方司主事

李魯先返汴办屯练。职方至汀。警报贼首张恩逃围上杭。公与督司司礼監王礼。汀守汪指南以职方籍上杭。催令速赴上杭解围。即同寇驾职方密白公曰。大驾旦晚至。公其速整师旅。恩逾岭。倘上杭不守。则风声遥沸。驾行又复次。切虑变生意外。鲁先解杭围。即同寇驾

也。意欲献梓匠于雒。群羊大集，公身叩胃门。遂围害。（府志）绍宗密告生出行宫。公同八月二十日苦行在遇劲骑数十。大声自呼曰：我王！时帝来追蹙至，百姓闻时守丽春门，流矢洞胸而死。微病之故，独以密语告出行宫。绍宗因趋赴行宫，公同八月二十日苦行在遇劲骑数十。大声自呼曰：我王！时帝清兵追蹙至，百姓闻时守丽春门，流矢洞胸而死。微病之故，独以密语告出行宫。绍宗因趋赴行宫，公同八月二十日苦行在遇劲骑数十。大声自呼曰：我王！时帝而来。

（一）然集家状：盖公眷报国之诚，聊方早死微病之故，独以密语告出行宫。绍宗因趋赴行宫，公同八月二十日苦行在遇劲骑数十。大声自呼曰：我王！时帝

五指石。今唐帝岩是其遗迹。或云是别一唐王袭用隆武年号。平远饒謝上奎曾奉以起事。而閩粵交界如陰那王壽諸山。往往傳隆武遺迹。人葬之西門羅氏三。《托素齋集仁恕堂筆記》。至今汀人呼公殉國之地曰救駕坪。自后汀人或傳紹宗留于汀州或傳未死。逃于粵界程鄉之

遺民思漢。故老流传至今。疑莫能辨焉。钱秉镫有所闻作云。浪闻扶义称铜马。喜听蒙尘是副车。又鄧江怨词云。隆准奇姿人尽识。谁为纪信代君王。自注相传有武臣代死。(藏)

論曰：相傳太祖鄴陽湖之戰，舟敗于淺，勢危甚。牙將韓成服太祖所御冠服，自投于水。漢兵以太祖已死，攻稍緩。太祖得从容集衆，收敗爲生，成之功也。明史不爲成立傳，蓋史冊之決略多宗《周公危》稱大明皇帝，用意

与成周。身死五日而莹如玉。由其得天地之正气也。明史缺而不书。寔阳嘉始采公事迹。言愿王追及于汀州。安得不喜出望外。固不得以长乱。公即在汀。非追及可知。招抚田兵载瑞金志。于公元不免有微词。公志在恢复。一旦可得民军八万。不知李职方八月二日至汀。公即在于此。非追及可知。招抚田兵载瑞金志。于公元不免有微词。公志在恢复。一旦可得民军八万。安得不喜出望外。固不得以长乱。

責之也。夫紀信誑楚。漢業以昌。乃韓成用之。得脫太祖于難。公用之。无救紹宗之亡。興廢有數。天实命之。謂之何哉。

此传作于纪元前四年。杂摭府志、郡志、二志、笔记、寒食、支纪、岁藏、山阁集而成。后得社友吴江柳弃疾寄示所作传。定为南直隶毗陵甯县凤山乡人。十七年秋，承乏纂修县志。重游瑞金，读其邑志。得公招抚旧兵一事。明年来潮，读潮州耆旧郭忠节集。其平尤溪贼篇，又载与公同

十八年秋作者自识于金城寓樓。

字元冲。邑庠生。幼英敏。博学能文。意气豪上。不可一世。隆武元年秋。月以前人。全○

京。改元隆武。流寇至四保。汝榜率族人设奇击走之。因众寡不敌遇害。贼魁亦毙。乡人赖以保全。当事

嘉其义。为就地立祠。汪郡伯沈清军高邑侯各赠以匾。李别驾赠联云。书生践戎马之场。视死如归。羞杀斗金将士。丈夫坚守望之助。临难无免。愧倒冠玉儒臣。旧志 忠节

清

闾璜。蓝柏。丘勋。林国英。俱上杭人。璜诸生。柏从九品。(注)勋例贡。璜素有胆略。年凡七十。老而益壮。咸丰七年四月七日。太平军自宁化陷府城。汀邵镇总兵富勒兴阿遁至上杭。募勇图克复。聘璜为参谋。柏与勋、国英应募。率勇六百人。前进抵河田。遇敌大队围裹。柏与勋、国英及璜俱死之。

据上志人物及杭县寇变补

注：(从九品——副九品官)

廖某。青泰里叶坊人。咸丰七年河田之役。廖某以炮向敌。男女赖以免者数百人。炮发毙敌二人。众寡不敌。逃堕坑中。身受长矛数十。伤后医愈。旧续志 忠节

刘马四。侠其名。河田人。先以命案系狱。至是释回。河田之役。太平军猝至。居民不及避。马四持枪立街口。击毙二人。弹罄无援。犹持刀巷战。力绝死之。据采访 册补

林某。漳营千总。咸丰十年十二月。太平军陷府城。明年正月。总兵袁良札童坊与漳州兵合。庚戌太平军由碓米岭直趋童坊。官兵溃。林千总战死。据旧志咸同年同 寇扰事实总记

刘光碧。修坊人。以善走名。尝入伍以军功膺五品赏。同治三年九月。太平军由瑞金窜濯田。官军分札蔡坊岩子前等处。以固府防。庚申黎明。敌蜂拥而至。光碧已退伍。侦知敌来。乃预伏蔡坊桥下。敌先锋一人执大纛行。甫至桥。光碧发銃击之。立毙仆桥下。敌军惊疑不敢进。遂退窰平原。郡城得以安堵。

据采访 册补

咸丰二年殉难者。营兵廖金标。在湖南阵亡。以下俱 载旧志

咸丰七年殉难已请旌恤者。举人郑汝嘉。在城殉难。廉生张殿元。被掳不屈。投河死。增生刘光福。投井

死。何炳章御敌死。其御敌死。未载死某所者。刘开凤。刘开光。丘宗才。曾茂椿。李璞任。罗旆光。罗殿光。罗桐光。罗理臣。罗衍声。罗爽仪。罗庄仪。罗德昌。罗止宗。罗昌金。江寓书。赖金典。罗祥配。吴六堂。曹墨利。吴绍吟。丘元祖。龚昌配。阙朝聘。赖廷尧。曹光炳。谢文亮。庠生鸿逵之祖。叶如松。庠生承曾之父。练勇罗志粮。练勇罗志培。李长田。蒋长寿。汤才用。父子。凡三十四人。其在梁屋头乡御敌死者。二人。梁文涵。谢崇泰。其在古城井头乡练勇御敌死者。十一人。刘启和。刘廷松。刘启盛。刘启岩。刘启汪。刘启奎。刘美玉。刘廷彦。杨元仕。谢长连。胡七二。其载明死状者。则俞春元年十二。被掳不从。敌杀之。罗昌旺。扭敌赴水同死。修尔恭。被掳夺刀斫敌。敌杀之。戴金宝。监生陈隆千。皆被执不屈死。至於丘观泉。因差赴武平。遇敌不屈死。李琼林。在杉关防堵死。马发捷。清流汛。城陷死之。林连升城陷。衣冠殉节。以上四人皆官外委者也。廖伟华。廖伟贞。皆投井死。范连茹。遇敌被杀。其未载明死状者。庠生廖铺台。余有良。生员周庆澜。从九(注)马怡。汤桂龄。汤松龄。丘庆禄。戴勉行。儒士夏易。注：(从九——从九品的简称。)

咸丰八年殉难已请旌恤者。旧志仅载一人。庠生戴芹在浦城阵亡。其在白云铺御敌死者。陈昌翰。卢荣清。吴国宝。华翰年。温景泰。余华元。刘乾清。蓝茂盛。余常元。刘兆檀。蓝章盛。余本元。刘占东。丘德庆。华长生。廖德仁。陈盛龙。刘仁达。王可忠。陈新应。李日盛。陈新富。黄昌财。许文敏。丘春明。许文潘。丘盛德。许元善。丘邦兴。胡亮兴。曹贤昌。鍾恒辉。胡才元。凡三十二人。又连城不知姓名二人。其御敌死未载某地者。刘登庆。王甯先。马廷瑚。王泽振。余念槿。余源昌。余浩昌。吴赞均。鍾学尧。詹节远。丘春明。蒋世万。胡辛应。胡胜富。刘兆檀。曹光炳。许彩新。其骂敌死者。监生鍾文美。监生马廷瑚。张廷机。邹仲勳。其被敌火烧致死者。从九许开旭。其充连邑乡勇御敌死者。巫在郢。其未载死状者。丘洪寿。吴焊均。吴藻林。吴长林。吴勤福。廖有四。庠生廖敦仁。庠生王炳。庠生王心正。陈继恒。陈钧瑞。陈开初。陈富瑞。陈开英。陈检瑞。陈龙瑞。陈世魁。廖攀桂。廖芬桂。廖源桂。廖九皋。廖开兴。廖九品。廖贵兴。廖朝仁。廖油桂。廖长桂。廖志积。廖长松。廖永针。廖德福。廖万益。廖仁本。王连福。王禄春。温振伍。赖荣芳。李泽。蒋仲扬。蒋三

养。其御敌死。重名可疑者。余华年。余本年。余常年。此三人与白云铺御敌死者。年元音同字异。未知是一是二。又丘春明一名重见。曹光炳一名已见於咸丰七年。当亦重出。姑仍旧志存之。

咸丰十年殉难已请旌恤者。何锦章。州同街史芳之父。投水死。陈宗佑。议叙六品康震猷。其御敌死者。萧一。萧二。从九李隆兴。丘仁寿。赖金万。其城陷殉难者。廩贡雷鸣。庠生张我弓。其被擄不屈死者。余念珪。余铭昌。廩生鍾校书。其未载死状者。耆民曾凤翔。从九赖焕章。廖智。廖伟勋。邹玉生及其妻。廖柯。马从养及其家属男妇四人。职员彭兆圻。廩生李金汤。

咸丰十一年骂敌死。已请旌恤者。安凤彩。其御敌死者。郑新贡。郑丙远。郑盛田。郑新梦。郑昌百。郑盛德。郑昌宗。郑昌龙。郑盛隆。郑盛辉。郑天远。郑大山。郑兴崇。郑昌通。郑盛芹。郑有利。郑盛奇。郑孝善。刘世云。刘大红。郑昌监。其敌至斗死者。监生曹茂材。从九曹成周。其侦敌遇害者。丁日生。丁康兴。丁春芳。其母病不去被执骂敌死者。马昭麟。其未载死状者。丘国藩。庠生鍾香椿。同治三年。率勇御敌被害已请旌表者。武举黄经邦。举人刘春华。其御敌死者。黄棣光。其未载死状者。庠生曹永清。庠生黄鹄。监生黄庭。儒士涂龄。以上俱见旧志。

古城古胜寺忠义牌四十二人。祀咸丰七年殉难之曹光炳。暨井头乡练勇刘廷松以下八人。咸丰八年白云铺死难三十三人中。无蓝章盛、王可忠、胡亮兴三名。而陈盛龙作应龙。许文敏作元敏。丘盛德作升德。无陈新应而有胡辛应。无黄昌财而有李昌财。此为有旧志之误无疑也。加以胡胜富。刘盛和。谢彩云得四十二人。胡胜富。旧志咸丰八年列胡辛应、许彩新之中。云五名皆御敌死。旧志许彩新即疑谢彩云之误。惟刘盛和一名。不见於旧志。据采访册订

吴森。庠生。咸丰间督团丁御太平军阵亡世袭云骑尉。采访册

罗於红。王维光。张朝龙。三人皆阵亡。诏荫恤赐祭。祀昭忠祠。於红以把总御寇。维光官守备。朝龙外

委。皆剿寇死。旧志忠节

陈得标。巫诏期。康云龙。余廷标。彭应龙五人。俱祀昭忠祠。得标、廷标、应龙剿寇阵亡。诏期云龙御